


興寧縣志

史類
神

tx270.87

36

128



8

興寧縣志卷一

目錄

卷一

序

星野

沿革

圖考

卷二

疆域

興寧縣志

卷一

目錄

戶口

賦役

卷三

建置

職官

封廕

祀典

兵制

苗獠



八本一五元角

礦廠

卷四

政績

選舉

人物

列女

卷五

學校

流寓

興寧縣志

卷一

目錄

典籍

風土

雜記

卷六

藝文

興寧縣志卷一

知興寧縣事張偉謨

序

寧之有志舊矣然風俗與化移易我

國家承平日久文治覃敷良有司復時加訓迪越至
於今涵育薰陶風俗固已蒸蒸日上而志闕如則
潛德幽光其湮沒不傳者可勝道耶夫十室有忠
信三人有我師况興邑袤延百有餘里其中賢人
君子方思以餘韻流風針砭百世更將以殘膏賸

興寧縣志

卷一

序

一

馥沾溉無窮使終泯焉無聞非惟邑人之過亦宰
斯邑者之過也寧志自羅公紳而後奉 憲諭以
董修者爲蔚南李公公以署任政事多所舉行修
志未竣而去其繼署者爲春田劉公半載之間採
輯頗富比余之至也邑人復以屬余因不揣固陋
謹遵 司式與學博雪園孫巖雨傅兩先生併縣
尉石泉張公或廣爲採訪或重加訂正凡六閱月
稿脫未及付梓歷三年始刻之則六十年來貞婦
孝子學士文人各有所托以傳而邑之吏治民風

紀載詳確後之宰斯邑者亦可備以爲資也已是
爲序

道光元年歲次辛巳九月下浣之吉丁丑進士與
寧縣知縣掖水張偉謨

續修邑志叙
邑之有志猶國之有
史也史記
朝廷而不遺於天下志
載鄉閭而不侈乎異
域故稱史者尊

王制所以大一統也稱
志者重司牧所以嚴
官守也岐而二之則
是史宜直也而志可
以不直史宜信也而
志可以不信史之詞

嚴而正而志不必取
乎嚴而正史之旨約
而談而志不必取乎
約而該三長不具五
難不知而遂可以作
史乎哉史不易作而

作志者又可率爾操
觚耶興邑之有志由
來舊矣自前明數鄉
先生而創始之迨乎
國朝經守土者之屢易
其刻而始臻美備炳

炳煥煥傳之數百餘年而無可遺議質之於史殆亦異流而同原也耶乙亥春梓代庖是邦越明年上憲有修通志之舉

並飭修邑志以備通志之採錄蓋以邑志經數十年而不修則此數十年之事淹沒而不傳積之又久不將遺忘過半耶此

紳先生之過而亦宰
斯土者之不能辭其
咎也梓不敏不能贊
勩
聖治宣布德化而徒於
修廢舉墜中以塞五

日京兆之責斯亦大
有愧於撫字之任者
也然此亦適以闡揚
天子之郵隆而非以矜一
己之採輯也
國家承平日久兵革不

興百姓相與漸仁摩
義蹈中履和以成此
熙皞之俗而後守土
者乃得以撫遺編尋
陸緒而有事於補闕
拾遺誠甚盛遇也爰

聚都人士而議所以
修之者僉云舊版尚
存舉而棄之則用繁
而竣工難續而增之
則費省而告成易且
前志之所不可易者

雖董狐復生倚相再
見不能起而更之梓
允其說即為之精其
採訪廣其搜羅務使
前志之所未載者依
其義類按其先後以

附之於各條之後而
不致有所遺漏夫然
後考古者有以知全
邑之事蹟觀風者得
以驗一縣之教化飲
芳泉而思其源飯香

忝而溯所自一邑之
禮讓成風絃歌滿戶
忠孝疊出節烈並興
非守土之能也封疆
大吏仰承
天子之德化遠播

朝廷之作育日積月累
有以致之也然則志
雖一邑之事所關不
甚巨哉邑志成而通
志可成通志成而一
統志胥視之矣徵信

於野徵信於
朝即謂志通乎史也亦

無不可

皆

嘉慶二十二年丁丑

歲嘉平月吉且

興寧縣志

卷一

李序

八

賜進士出身

勅授文林郎署興寧縣事

補授新化縣知縣滇

南李之梓讓



劉序

與寧志入

國朝凡三修康熙九年始修於耿令念劬五十三年
續修於楊令蒧閱四十有五年續修於羅令紳距
今六十年矣 大憲檄修以備通志採擇前署任
吾鄉李令之梓首議舉修採訪具有章程余適權
茲邑篆再爲搜羅六十年散佚經三閱月而知志
之繫於治教者鉅也天下有真性情而後有真風
俗有真風俗而後有真事業有真事業而後有真

與寧縣志

卷一

劉序

一

文章有真文章而後俾覽書以泄民者有真治教
彼務采色矜典博而考核徵實或不足雖互相標
榜志在推揚奚足貴哉余性魯鈍生平惟奉宋儒
黃氏五不欺之訓茲之志亦推此意而已我

朝百數十年來實心實政覃敷遐邇寧雖萑爾而沐
浴

醴化沁心浹志無智無愚悉順安於天命人心而不
知其所以然故能出其性情與令長相見而無所
矯飾夫治教不能無損益者也性情千古不易者

也余文不工藻繪庶幾哉可起耽煬羅三君子而
相質以性情且以貽後之賢人君子與士大夫有
治教之責者是爲序

嘉慶二十三年歲次戊寅秋七月上浣之吉乙卯
科舉人署興寧縣知縣家自劉世英

序

興寧縣教諭孫鈺撰

興寧志自乾隆戊寅歲前縣羅公重修而後載筆
闕如嘉慶乙亥蔚南李公纂茲邑三載政有名蹟
適

大憲編纂通志頒發欵式檄縣採訪續修李公與余
謀爰舉士紳之才而優於品者分司其事丁丑夏
杪開局互爲詳採攷訂存舊以揚挖前修增新以
副濟後詒方編輯以觀成而蒙白劉公已及瓜受

興寧縣志

卷一

孫序

一

代雖以踵事爲任然讎校未久以故絲棼中輟幸
逖夫張公蒞寧廉明嚴正治化維新且以政事兼
文學每諮集儒雅僉以前稿進請增刪乃於公餘
之暇斟酌損益晰條理則順次以遵式操筆削則
修辭以立誠其殆能以經術著良史才者乎夫康
李二公皆名進士也凡茲鉛槧非蔚南明府無以
董修於前非遜夫明府不能告成於後然非士紳
之踴躍赴功又何以胥鈔而施剞劂共襄斯乘之
美備也哉余不敏忝閱卷帙訂正訛舛盡校勘之

力於是役也始終其事故爲叙其巔末云

嘉慶二十四年歲次己卯季春月中浣乾隆壬子
科舉人興寧縣教諭雪園孫鉅序